

სატენდერო მოწვევა

შემსყიდველი: საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი

პროექტი: კახეთის სატრანსპორტო კავშირის გაუმჯობესების პროექტი

კონტრაქტის დასახელება: საერთაშორისო მნიშვნელობის (ს-5) თბილისი-ბაკურციხე-ლაგოდეხის (აზერბაიჯანის რესპუბლიკის საზღვარი) საავტომობილო გზის საგარეჯო-ბადიაურის კმ35+500-კმ52+540 მონაკვეთის (ლოტი 3) სამშენებლო სამუშაოები

ქვეყანა: საქართველო

სესხის No: 9361-GE

სატენდერო მოწვევა: KCIP/CW/RFB-01

გამოქვეყნების დრო: 2022 წლის 20 ივლისი

1. საქართველომ მსოფლიო ბანკისგან მიიღო დაფინანსება „კახეთის სატრანსპორტო კავშირის გაუმჯობესების პროექტისთვის“. აღნიშნული პროექტიდან გარკვეული თანხა გამოყენებული იქნება კონტრაქტით გათვალისწინებული სამუშაოების ასანაზღაურებლად. კონტრაქტის დასახელებაა: **საერთაშორისო მნიშვნელობის (ს-5) თბილისი-ბაკურციხე-ლაგოდეხის (აზერბაიჯანის რესპუბლიკის საზღვარი) საავტომობილო გზის საგარეჯო-ბადიაურის კმ35+500-კმ52+540 მონაკვეთის (ლოტი 3) სამშენებლო სამუშაოები.**

2. პროექტის განმახორციელებელი უწყება, საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი იწვევს უფლებამოსილ კომპანიებს წარმოადგინონ სატენდერო წინადადებები აღნიშნული სამუშაოების შესრულების მიზნით. სამუშაოების შესრულების პერიოდი მოიცავს **30 თვეს**. საგარეჯო - ბადიაურის (ლოტი 3) მონაკვეთის საპროექტო სიგრძე შეადგენს დაახლოებით 17 კმ-ს. პროექტით გათვალისწინებულია ასფალტის საფარიანი, 4-ზოლიანი გზის მოწყობა, საპროექტო სიჩქარით - 120კმ/სთ, რომელიც შეამცირებს გადაადგილების დროს თბილისიდან ლაგოდეხამდე. პროექტის ფარგლებში აშენდება ახალი სატრანსპორტო კვანძი სოფ. ბადიაურთან, მოწყობა 2 მაგისტრალური ხიდი, 2 სახიდე გადასასვლელი, 8 მილხიდი და 86 წყალგამტარი მილი. პროექტით ასევე გათვალისწინებულია საპროექტო მონაკვეთის მიმდებარედ არსებული ადგილობრივი საგზაო ქსელის გაუმჯობესება და მათი დაკავშირება აღნიშნულ მონაკვეთთან.

3. პრეტენდენტები უნდა აკმაყოფილებდნენ შემდეგ მინიმალურ საკვალიფიკაციო კრიტერიუმებს, რათა გაიარონ საკვალიფიკაციო შერჩევა კონტრაქტის მისანიჭებლად:

ა. პრეტენდენტის მხრიდან წარმოდგენილ უნდა იქნას ლიკვიდური აქტივების და/ან საკრედიტო საშუალებების (გარდა ავანსის თანხისა, რომელიც შეიძლება განხორციელდეს კონტრაქტის ფარგლებში) ხელმისაწვდომობის დასტური სულ მცირე **10,000,000.00 აშშ დოლარის** ოდენობით, სხვა საკონტრაქტო ვალდებულებების გამოკლებით;

ბ. უკანასკნელი 5 წლის განმავლობაში (2017, 2018, 2019, 2020 და 2021) საშუალო წლიური სამშენებლო ბრუნვა სულ მცირე **80,000,000.00 აშშ დოლარის** ოდენობით, რომელიც დაითვლება მიმდინარე ან/და დასრულებული კონტრაქტებიდან მიღებული დადასტურებული გადახდებისგან, გაყოფილი 5 წელზე;

გ. ძირითადი კონტრაქტორის, ერთობლივი საწარმოს წევრის, მენეჯმენტ კონტრაქტორის ან ქვე-კონტრაქტორის სამშენებლო გამოცდილება უნდა მოიცავდეს **2017 წლის 1 იანვრიდან სატენდერო წინადადებების წარმოდგენის ბოლო ვადამდე პერიოდში ერთ კონტრაქტს** ღირებულებით არანაკლებ **80,000,000.00 აშშ დოლარი**, ან ორ კონტრაქტს ჯამური

ღირებულებით არანაკლებ **80,000,000.00** აშშ დოლარი, რომელთაგანაც თითოეულის ღირებულება იქნება სულ მცირე **40,000,000.00** აშშ დოლარი. წარმოდგენილი პროექტები წარმატებით უნდა იყოს განხორციელებული და არსებითად დასრულებული და წინამდებარე სატენდერო მოწვევით გათვალისწინებული სამუშაოების მსგავსი;

დ. 2017 წლის 1 იანვრიდან სატენდერო წინადადებების წარმოდგენის ბოლო ვადამდე პრეტენდენტს უნდა ჰქონდეს მინიმალური გამოცდილება შემდეგ ძირითად სამუშაოებში:

- ნებისმიერი ერთი წლის განმავლობაში, სულ მცირე **215,000 მ²** ასფალტის საფარიანი გზის მოწყობის სამუშაოები.
- ნებისმიერი უწყვეტი ორი წლის განმავლობაში, სულ მცირე **2,245,000 მ³** მიწის სამუშაოები.
- ნებისმიერი უწყვეტი ორი წლის განმავლობაში სატრანსპორტო ხიდის მშენებლობა, ხიდის გემბანის საერთო ფართობით - **2,850 მ²**.

ე. ძირითადი კონტრაქტორის, ერთობლივი საწარმოს წევრის, მენეჯმენტ კონტრაქტორის ან ქვე-კონტრაქტორის სამშენებლო გამოცდილება უნდა მოიცავდეს 2017 წლის 1 იანვრიდან სატენდერო წინადადებების წარმოდგენის ბოლო ვადამდე პერიოდში გარემოსა და სოციალური რისკების და ზემოქმედების მართვას, კერძოდ: ავტომაგისტრალის მშენებლობის ხელშეკრულებების ფარგლებში გარემოსდაცვითი და სოციალური მართვის გეგმების განხორციელება.

4. სამუშაოების შესყიდვა ჩატარდება „საერთაშორისო ტენდერის“ (Request for Bids) პროცედურით, რომელიც აღწერილია მსოფლიო ბანკის სახელმძღვანელოში - “Procurement Regulations for IPF Borrowers - Procurement in Investment Project Financing” dated November 2020, Fourth edition” და ღია ყველა უფლებამოსილი პრეტენდენტისთვის, როგორც ეს განსაზღვრულია აღნიშნული შესყიდვების სახელმძღვანელოში.

5. სატენდერო დოკუმენტების სრული პაკეტის ინგლისურ ენაზე ელექტრონული ფორმატით ჩამოტვირთვა შესაძლებელია უფასოდ.

6. სატენდერო წინადადებები უნდა აიტვირთოს ელექტრონულად, სატენდერო დოკუმენტაციის ინსტრუქციის ტენდერში მონაწილეთათვის 22.1 პუნქტის შესაბამისად. დაგვიანებით წარმოდგენილი სატენდერო წინადადებები არ განიხილება. სატენდერო წინადადებების ელექტრონული წარმოდგენის ბოლო ვადაა: როგორც აღნიშნულია სახელმწიფო შესყიდვების ელექტრონული სისტემაში (<http://tenders.procurement.gov.ge/public/?go=467529&lang=ge>).

7. ტენდერში მონაწილეებმა სატენდერო წინადადების ფასი უნდა მიუთითონ ერთიანი ელექტრონული სისტემის შესაბამის ველში. სატენდერო წინადადების ფასის არ მითითება ერთიანი ელექტრონული სისტემის შესაბამის ველში გამოიწვევს სატენდერო წინადადების დისკვალიფიკაციას.

8. ტენდერის გახსნა მოხდება ელექტრონულად, სახელმწიფო შესყიდვების ერთიანი ელექტრონული სისტემის გამოყენებით. ტენდერის გახსნის ოქმი აიტვირთება შესყიდვების ერთიანი ელექტრონულ სისტემაში წინადადების გახსნის შემდეგ.

9. ყველა სატენდერო წინადადებას თან უნდა ახლდეს სატენდერო წინადადების უზრუნველყოფის გარანტია 4,500,000.00 (ოთხი მილიონ ხუთასი ათასი) ლარის ოდენობით. იმ შემთხვევაში, თუ სატენდერო წინადადების უზრუნველყოფის გარანტია წარმოდგენილია სხვა ვალუტაში, გარდა ქართული ლარისა, გამოიყენება საქართველოს ეროვნული ბანკის მიერ გამოქვეყნებული ოფიციალური გაცვლითი კურსი (www.nbg.gov.ge). გაცვლითი კურსის მოქმედი თარიღია: წინადადების წარდგენის ვადამდე 28 დღით ადრე. პრეტენდენტებმა ორიგინალი სატენდერო წინადადების უზრუნველყოფის გარანტია უნდა წარმოადგინონ შემდეგ ვალებში:

წინადადებების წარმოდგენიდან არაუგვიანეს 10 სამუშაო დღის ვადაში. ორიგინალი სატენდერო წინადადების უზრუნველყოფის გარანტია უნდა წარმოადგინონ ქვემოთ მოცემულ მისამართზე:

საქართველოს რეგიონული განვითარებისა და ინფრასტრუქტურის სამინისტროს საქართველოს საავტომობილო გზების დეპარტამენტი

ქალბატონი სალომე წურჭუბია - თავმჯდომარის მოადგილე

მისამართი: ალ.ყაზბეგის გამზ. N12

ქალაქი: თბილისი, 0160

ქვეყანა: საქართველო

შენიშვნა: სატენდერო წინადადების უზრუნველყოფის გარანტიის დაგვიანებული წარმოდგენა გამოიწვევს პრეტენდენტის დისკვალიფიკაციას.

10. ყურადღება გამახვილებულია შესყიდვების რეგულაციებზე, რომელიც მოითხოვს, რომ მსესხებელმა გაამყდავანოს ინფორმაცია გამარჯვებული პრეტენდენტის ბენეფიციარი საკუთრების შესახებ, როგორც კონტრაქტის მინიჭების შესახებ შეტყობინების ნაწილი, ბენეფიციარი საკუთრების გამყდავანების ფორმის გამოყენებით, როგორც ეს მოცემულია სატენდერო დოკუმენტში.

11. დამატებითი ინფორმაცია:

- შესყიდვების ერთიან ელექტრონულ სისტემაში რეგისტრაციის ინსტრუქცია ხელმისაწვდომია [შემდეგ ბმულზე: https://www.youtube.com/watch?v=hQak4jPorj4&feature=youtu.be](https://www.youtube.com/watch?v=hQak4jPorj4&feature=youtu.be)
- შესყიდვების ერთიან ელექტრონულ სისტემაში ტენდერზე ინსტრუქცია ხელმისაწვდომია შემდეგ ბმულზე: https://www.youtube.com/watch?v=9O3W8_WiDgg&feature=youtu.be